



## **Universitätsbibliothek Paderborn**

### **Antidota Apostolica contra nostri temporis hæreses**

In quibus Loca illa explicantur, quæ Hæreticj hodie (maximè Caluinus & Beza) vel ad sua placita stabienda, vel ad Catholicæ Ecclesiæ dogmata infirmando ...

In Acta Apostolorum to. primus

**Stapleton, Thomas**

**Antverpiae, 1595**

Præfatio ad Lectorem.

**urn:nbn:de:hbz:466:1-39424**



## PRÆFATIO

*ad Lectorem.*



D epistolas Apostolicas (Christiane Lector ) ab heretico-  
rum hodie corruptelis vindicandas, & ad Antidota no-  
stra venenatis eorum depra-  
uationibus opponenda, post Euangelica iam  
in lucem data Antidota, prius descendere  
nolui, quam seruato noui Instrumenti ordi-  
ne, id forum quoque in Acta Apostolica  
commentarios, ut ab Augustino Marlorato  
in unum corpus collecti sunt, examinassem,  
& ad orthodoxæ veritatis regulam exegis-  
sem. Quod eò alacrius feci, quò facilius ac  
breuius hoc veluti interuallum me supera-  
turum confidebam; eoque aliquot hebdomada-  
rum opere traieclo, ut epistolis Paulinis or-  
dine explicandis ( que prima nostra in hoc  
opere

PRAEFATIO

opere longo intentio fuit ) deinceps absque  
ulla remora incumberem, futurū sperabam.  
Sed hoc vallum ingressus, vastius illud &  
spinosius expectatione mea inueni. Aduer-  
sariorum quoque in eo omnibus modis con-  
taminando, perturbando, ac deprauando,  
maiorem solito industriam, laborem, & con-  
tentioem deprehendi. Sanè unus Calvinus  
(in cuius tandem integros commentarios  
Galinus  
in Acta  
Apostol.  
solito pro  
lixier. incidi) in Acta Apostolorū & pralixiūs, &  
accuratiūs, & vehementiūs scripsit, quām  
in ullam aliam noui Testamenti partem: siue  
quia hunc librum à paucioribus haētenus in-  
terpretibus explicatum, siue quia negligē-  
tiūs discussum, siue denique quia ad schis-  
matis dogmatumq; suorū causam probabilitiūs  
& apparentiūs ornandam varia hic sibi ar-  
gumenta suppeditari cernebat. Hic quippe  
Actorum liber ut Christiana Ecclesia exor-  
dia & primos progressus narrat, ideoq; non  
doctrinam modo variam ex Petri ac Pauli  
diuinis concionibus facile hauriendam, sed  
& quæ ad praxin Ecclesiae Christianæ tunc  
in herba ac nouella faciebant, plurima an-  
notanda complectitur; ita in vitroque hoc  
generē latum Calvino campum disputandi  
præbuit.

A D L E C T O R E M .

præbuit. Quis sanè in neutrò aut frigidus, aut indiligens, nihil planè prætermisit, quod vel ad aliquod fidei dogma hodie controversum ( aut in suæ hæresis fauorem aut in Catholice doctrinæ preiudicium faciens ) vel ad aliquam Ecclesie praxin, politiam, accultum, ( ad suæ quoque nouellæ sectæ patrocinium aut antiquæ Catholice Ecclesie detrimentum pertinens ) quoquo modo trahi, torqueri, inuerti potuit. Neque verò materias occurrentes leuiter attingit, aut obiter quasi digito commonstrat, sed illis singulis diu immoratur, longas in permultis disputationes texit, planeq; prolixioribus suis in Institutione concertationibus hic ve- luti in compendium redactis, earum quasi medullam ac summam lectori exhibet; ac per hoc venena sua non guttatum instillat, sed plenis poculis seu vasis potius haurienda porrigit. Sic de Sacramentis in genere, de baptismō Christi & Ioannis, de Confirma-  
Dogmata  
fidei in  
hoc opere  
defensia.  
tione, de Pænitentia, de Confessione pecca-  
torum, de Ordine sacro, de Diaconis, de Pres-  
byteris, de Episcopis, de vocatione ad mi-  
nisterium verbi legitima, de fide, de chari-  
tate, quòd sola fides iustificet, sola Christum  
appre-

P R A E F A T I O

apprehendat, sola gratiam recipiat, sola operibus premium adferat, de electionis & gratiae certitudine, de prædestinatione, de legis ac mandatorū impossibili obseruatione, nulla obligatione, de honorū operū nullo merito, nulla mercede, nulla iustitia, de gratia eiusq[ue] varijs effectibus, de libero arbitrio, de Sacrificio Christianorum, de ceremonijs; de Imaginum ac Sanctorum cultu & invocatione, de Reliquijs, de Ecclesiæ antiquitate negligenda, authoritate proculcanda, legibus despwendis, de Concilijs, de Scripturarum usu & tractatione, de Christi vita, morte, redemptione, de Dei potentia, voluntate, decreto, longas hic habes unius Caluini disputationes, astutas, acutas, accuratas: ita sanè ut nihil omittat quod causam suam iuare, pleraque etiam repellere conetur quæ contra ipsum facere posse videri queant. Porrò Rom. Pontificem, clerum Catholicum, Monachos, atque ipsos adeò in universum Christianos, maledicuſ iste Timon, & canis Rheticus idq[ue] in Iudaorum ac Paganorum fauorem, ſæpe admodum acerbè & virulenter taxat, mordet, traducit, varijs & fœdis criminationibus lacerat. His omnibus

AD LECTOREM.

nibus dum pro meo modulo occurrere con-  
tendo; aduersus tot ac tanta venenata eius  
Spicula salutares herbas porrigerem dum la-  
bore; singulis eius toxicis singula antidota  
adhibere, parig̃ diligentia hostem tam in-  
fensum repellere ac retundere dum desidero;  
tametsi breuitatem in omnibus, quam tam  
licuit, affecto; opus ipsum expectatione ma-  
ius creuit, & remoram mihi diurniorem  
iniecit. Ceterū quaño vel hostis acrior  
& accuratior, vel nostra refutatio prolixior  
ac productior est; tanto erit tua ( Lector )  
instructio uberior, consolatio maior, varia  
utilitas copiosior. Profitetur alicubi Calui-  
nus: Etsi à muneris mei functione ( qua  
Genevensium Theologus Scripturas publicè  
explanauit ) perquam exiguum mihi  
tempus restat; id tamen, quantulum-  
cumque est, institui ad hoc scriptionis  
genus conferre. De commentarijs in Scri-  
pturas edendis loquitur. Profitetur ibidem,  
Scripturæ interpres pro sua quem-  
que facultate ad debellandum Anti-  
christum arma suppeditare. Interpre-  
tes designat sue farinæ homines, nouos hu-  
ius temporis sectarios. Antichristi nomine

Rom.

In Prefat.  
tom. in  
epist. Ca-  
non. ad  
Eduardū  
& Angliae  
Regem.

P R A E F A T I O

Rom. Pontificem, & uniuersam Ecclesiam Catholicam ei adhaerentem, eiusq; unius Ecclesiæ dogmata orthodoxa omnia completitur. Postquam ergo iste Indas ita non dormit, sed cum suis affeclis & satellitibus, cum facibus ac laternis, cum fustibus & gladiis, ad Christum capiendum inuigilat, satagit, laborat; astutia, impudentia, ingenio, facundia armatus, Catholicam Christi Ecclesiam oppugnat; nolui & ego dormire: tametsi à muneris mei functione (professione Theologica quotidiana) per quam exiguum mihi tempus restat, id tamen, quantulumcumque est, institui ad hoc scriptioris genus conferre; ut quæ unus in primis Caluinus ad Ecclesiam Catholicam debellandam, & ad diuinæ Scripturas depravandas, pertinaci studio elaborauit, (saltem quoad nouum Instrumentum) refellam omnia; variamq; & multiplicè acerrimi huius Archihæretici (quem

Aegidius Hunnius, ritò vocant) modo astutiam & calliditatem, Doctor Vvitremberg, modo nequitiam & maleficentiam, modo libello, inepsiam & stoliditatem, modo inconstantiā & leuitatem, in omnibus diuini verbi corruptelam toti mundo patefaciam. Et quidem

A D L E C T O R E M .

alem in hoc uno libro quantum iam hęc singula patefacta dederim , ipse Index libro adiectus Lectori notata loca percurrenti ad oculum commonstrabit . Scribit nefarius impostor : nullam certiorem vel magis dilucidam neque ab Euclide neque ab Archimedē asserri demonstrationem posse , quod Ecclesia Romana sc̄etidum sit Belial scortum , Satanæ lupanar , porcorum hara ( his ille emblematis & aromatibus gaudet ) quam si Ecclesiæ , qualis à Luca in Actis describitur , cum synagoga Papali fiat comparatio . Enim uero hoc in suis commentarijs demonstrare posse , Principi illi Polonico , cui eos dicauit , persuadere voluit . In eum finem nihil intactum reliquit , unde aliqua huius blasphemiae species effingi , color aut fucus aliquis induci posset & non ex subiecto textus sacri argumento , sed ex suo male sano cerebro , & corrupto stomacho , odio ac maledictione grauido , materiam captans . Atque fauete Christo , & ipsa veritatis orthodoxa luce in singulis affulgente , nefary impostoris technas omnes , artes & dolos patefecimus , paralogismos refutauimus , calumnias

In Pr̄fatis  
commen.  
ad Acta  
Apost.

\* \* \*

dep-

P R A E F A T I O

depulimus; & in Actis istis Apostolicis  
quod vel doctrinæ vel politiæ Ecclesiæ Ca-  
tholice Apostolice Romanae vel in minimo  
aduersetur, plane nihil esse, clare docui-  
mus; dogmata fidei, sacramentorum do-  
ctrinam, cultum, ceremonias, quorum in  
hoc libro per occasionem mentio facta est  
(neque enim uniuersam fidei doctrinam,  
politiam Ecclesiasticam, cultum religio-  
nis Christianæ, aut hic aut ullus aliis  
Scripturæ liber commemorat, vel com-  
memorandum suscepit) Catholicae & or-  
thodoxæ doctrinæ, quam Romana hodie  
tenet ac tradit Ecclesia, per omnia con-  
uenire docemus: ne quicquam ex aduerso  
satagente fallente, criminante, paralogi-  
zante, disputante, mentiente Caluino, Bul-  
lingero, Brentio, Sarcerio, aut alio quovis  
sectario interprete, quem in suam Cathe-  
nam consarcinavit Marloratus. Quis  
etiam Beza obiter aspersit venena, dilui-  
mus. Quanquam ex uno Caluino tam  
multa congesit Marloratus, & unius  
Caluini in hunc librum tam prolixus &  
accuratus commentarius est, ut hunc unum  
refutasse, ad veritatis orthodoxæ in hac  
sacra

AD LECTOREM.

sacra historia traditæ defensionem suffi-  
cere posse videatur.

Existimabit fortè quispiam, satius ac  
consultius fuisse, has hereticorum, & Cal-  
vini maximè, tam fœdas diuini verbicor-  
ruptelas, tam noxia venena, tam infam-  
es aduersus Ecclesiam Dei criminatio-  
nes oculis Catholicorum omnino non sub-  
iycere, utcumque porrectis ad manum  
Antidotis ac remedij; ne ipsa fortasse  
magis arrideant quibusdam palatis toxici-  
ca, quam que mox opponuntur parū for-  
tasse firma remedia: quum enim ille in-  
genio, facundia, astutia, diligentia pluri-  
mum valeret; metum subesse posse, ne, ut-  
cumque oppugnādi animus non defuerit,  
vires tamen & facultates defecerint. Cæ-  
terū tot sunt huius tam andacis here-  
tici in hoc uno opere stolidi paralogismi;  
tot pugnantes sententiae, quibus seipsum  
refutat; tam crassa mendacia, utcumque  
verbōrū lenocinīs ac pigmentis artificio-  
sē colorata; tam mihi ex multa eius le-  
ctione & controversiarum à multis an-  
nis tractatione comperta & explorata  
sunt huius hominis artes, technē, ac im-

\*\*\* 2 postura.

P R A E F A T I O

posture, & ( quod caput est ) propria eius  
de dogmatibus cōtrouersis sententiae, pro-  
pria fundamenta ac firmamenta; ut hunc  
metū quantūlibet infirmi Catholici ani-  
mo eximere, Christo bene iuuante, audeā.  
Imò nō dubito, plurimos ista lecturos, qui  
tam absurdū & procacē aduersarium ple-  
nius & acrius à me refutatum non fuisse  
mirabuntur. Verum ego ita singula refu-  
tare volui, ut breuitati ( quantum licuit )

studens, eo, quod satis erat, contentus esse  
voluerim. Sed & ad Calvinistas ab hoc

Calvini-  
tarum fa-  
luti hoc  
opus labo-  
zat.

homine seductos ( quorum manibus hi  
commentarij assidue teruntur ) in viam  
reducendos, magna quoque ex parte hic  
labor noster insudauit. A quibus nihil  
quām equitatem postulo; nec quis quem  
refutet, sed qualis ipsa refutatio est, ut  
attendere velint, rogo. Neminem existi-  
mo ita salutis sue prodigum, qui tam pro-  
caci, tam mendaci, tam secum pugnanti,  
toties paralogizanti, tāto impostori, tan-  
to diuinarum Scripturarum deprauatori  
sciens ac prudens fidē adhibere, aut eius  
in rebus fidei iudicium sequi velit. Vi-  
cumque est, hunc nostra etatis Porphy-

rius,

AD LECTOREM.


vium, aut Apollinariū potius atque Ariū,  
eiūsque sectam uniuersam, qua omnia hu-  
ius dictata pro diuinis oraculis habet, cane  
peius & angue Catholicus omnis Christia-  
nus execrabitur. Quod semel hoc loco dictū,  
ad reliqua nostra omnia, tam quæ iam pro-  
dierunt Euangelica, quam quæ adhuc ( Deo  
dante) subsequentur Apostolica Antido-  
ta, dictum velim. Vale Christiane Lector, &  
nostris pro veritate Euangelica laboribus  
fruere : qui si aliquid aut consolationis aut  
fructus attulerint, pro omni mercede tuis  
apud Deum precibus ( longa enim nobis re-  
stat via ) nos interdum iuua.

Louanij, 21. Aprilis, 1595.





UNIVERSITÄTS-  
BIBLIOTHEK  
PADERBORN







UNIVERSITÄTS-  
BIBLIOTHEK  
PADERBORN